



Sámediggi

Norggas hálddahušlaš orgánan

GO SÁMEDIGGI VUOĐDUDUVVUI 1989:s, de sirdojuvvui ja biddjojuvvui Sámediggái goalle gáržžiduvvon ovddasvástádus. Norgga Sámeráđdi, maid Norgga eiseváldit ása-hedje 1964:s bargat sámi guoski áššiiguin, loahpahuuvui dalle go Sámediggi áshuvvui. Sámeráđi doaimmat sirdojuvvojedje Sámediggái. Okta dáin doaimmain lei Sámi ovdánahttin-foandda hálddašeapmi, mii dalle juolludii sullii 8 miljovna ruvno jahkásaččat iešguđet doaimmaide. Sámi ovdánahttin-foanddas juolludii Sámeráđdi ruđa sámi organisašuvnnaide, sámi dáidagii ja duodjái, eavttuid mielde maid Gielladepartemeanta lei bidjan.

Dan rájes go Sámediggi áshuvvui, de lea Sámediggái dađistaga sirdán guovddášhálddahušas sámi áššiid Sámediggái. Mañnel 1992:s lea Sámedikkis leamaš formálalaš ovddasvástádus sámegiela ovdánahttimii Norggas, oktan foandda hálddašemiin mas jahkásaččat juolluduv-vojit ruđat suohkaniidda ja fylkasuohkaniidda sámi guovlluin. 1993:s oaččui Sámediggi ovddasvástádusa sámi kultuvrra ovddas Norgga kulturrádis, masa gulai Sámi kulturfoandda hálddašeapmi. Mañnel 1994:s sirdojuvvui Norgga Birasgáhttenpartemeanttas, Stáhta kulturmuitorádis ja Romssa museas ovddasvástádus Sámediggái bearráigeahččat sámi kulturmuittuid. Jagi 2000:s válddii Sámediggi badjelasas Sámi oahpahusráđi doaimmaid Girko-, oahpahus- ja dutkanpartemeanttas. Sámedikkis lea ovddasvástádus ovdánahttit ja ráhkadit sámi oahpponeavvuid, ja jahkásaččat juolludit ruđaid sámi oahpponeavvodoaimmaide.

Sámedikki váldohálddahuš lea Kárášjogas. Sámedikkis leat maid báikkálaš kántuvrrat Guovdageainnus, Unjárggas, Gáivuonas, Divttasvuonas ja Snoasas. Leat oktiibuot sullii 115 bargi Sámedikkis (2006). Sámedikki ollislaš bušeahtta 2006:s lei sullii 260 miljovna ruvno.

www.samediggi.no

www.galdu.org

Samene – en håndbok, Karasjok 2003